

元和唯亭志卷十

冢墓

金魚玉鴈徒以盜誨耳何必為化人侈哉惟有
不可磨滅者存則栝棧留遺且深景仰況魂魄
所依歟吾里多先代遺藏寒烟衰草湮沒已多
茲就所知者而著於篇表墓盛典尚有望於當
事者志冢墓

周

吳王夸昧墓相傳即是唯亭山故山又名夸陵頂有

元和唯亭志

卷十

冢墓

一

關帝閣階下有罅窺之深而黑好事者以繩繫物

墜下接百餘丈長猶莫測其底焉

互見形勝

國朝錢治謙

吳夸昧墓

訛韻叶亭陵唯夷各有憑豈知餘祭弟抔土至今稱

戈

載

夷亭訪吳王夷昧墓

廿年傲舍虎邱麓最愛劍池一泓綠闔有墓金
精揚五郡十萬人畚築越滅夫差以禮葬軍士塚
土向空曠卑猶位山原名注近太湖濱秦餘杭山址可
訪吳自壽夢僭稱王取郟伐巢漸富強嗣君兄弟
以次立四十餘年僚至光胡為被弑若州于歸藏
有地未闕如思益寺旁峯崖墜星巨石在南隅
乘及三子墓何所曾考袁康越絕書首列蛇門外
大邱復載胥女與蒲姑築塘北山又其一四冢之

數適相符昔不審名未指後代奚從辨彼此諸
樊餘祭已茫茫尚有陵谷未遷徙我今泛棹婁門
東至和塘巨金沙通陸市巴城迤邐過大小夷亭
鎮其中夷亭潮始淳熙時道人言稱曰唯僧坊
客館見聞異一統志在迺名怡或云東夷曾遠寇
正與蔡唐入郢候城郭八門締造初結亭瞭望同
封堠或云陽城湖水廣南峙夷亭山六丈相傳葉
語是夷陵吳王夷昧墳高廠夷昧其字爲句餘魯
書夷末何稍殊吳越春秋作餘昧公羊夷昧當不
誣夷昧爲君承遺澤偏兩戰陣久嫺習慶封來犇
予朱方楚靈構鸞圍其邑伐楚遂入棘櫟麻州來
更見重兵集鵲岸敗走遠啟疆又勝房鍾獲弃疾
是時楚晉迭爭長惟吳不懼楚氛逼晉昭徵會
於良各道爲辭卽歸國藐視諸侯心益雄十七年
中恢大業生前華夏馳威名死後赴告徧同盟五
月而葬營兆域若堂若屋誠佳城向爲游觀養魚
地金鳧玉燕忽飛至一坏黃壤制連岡山名留作
千秋識當年封樹想奢華荆棘銅駝空歎嗟蜺阜

元和唯亭志

卷十

冢墓

二

龍墩相映帶衰衷弔古夕陽斜嗚呼延陵季子爲
君子介弟高風不可企申浦猶存十字碑得國讓
國各行是迢迢祖德更懷思泰伯仲雍開
厥基東皇山與海虞山巍巍墓道人知
瓊姬墓在北斜塘金鏡湖濱瓊姬墩府志云瓊姬夫

與夫差墓相近
互見形勝

三國吳

東吳左丞相陸婁侯遜墓在延福寺內相傳後殿基

址卽是殿左向有祠今廢

錢思元吳門補乘云陸遜墓在東洞庭山東山

翁非彥有陸遜墓詩其序云順治間有某姓卜葬
於白沙塢開礦得石槨旁臥一碑有東吳左丞相
陸遜墓八字亟斂土填之而徙葬於下見家山逸
響集又淮安府志桃源縣有陸遜墓去治西五里

吳地記華亭縣亦有陸遜墓然則陸遜墓亦無定屬想古蹟流傳在在引據類若此姑存以備攷互見祠廟

國朝顧

昀

相傳延福寺址為三國時吳陸遜墓詩以弔之

梵宇秋高鏤墓烟漫傳地有古時阡
獠亭戰跡已流水吳國英雄多少年
苔臥斷碑誰剔蘚風搖老樹欲參天
山僧不解讀前史深掩禪扉落葉邊

錢治謙

陸遜墓

蜀破竟吳完鷹揚奮馬鞍
華亭肅遺像鶴唳一聲寒
遜亭侯封華

元

張士誠墓在斜塘

元和唯亭志

卷十

冢墓

三

明

饒州府知府倪好禮墓在依仁鄉吳巷

樂亭縣知縣蔣廷貴墓在依仁鄉王巷

李東陽 吳寬表 銘

李東陽

蔣原用墓志銘

長洲蔣君原用知樂亭縣卒於官其友兵科給事中陳君玉汝述其狀來謁余曰原用平生欲得先生文今死矣非茲銘無以慰地下且原用配徐云吾夫臨命時惟以銘是屬每泣曰妾獨不能如張圓妻乎余嘗識原用於玉汝其亡可念又念玉汝言辭至再不忍故也按狀原用姓蔣氏諱廷貴原用字也其先宋禮部侍郎堂守蘇始居長洲高祖達卿曾祖叔昂祖宗韶父惟清不仕趙氏宋宗室裔也原用七歲失恃繼母鄒氏鞠成之原用敏悟數歲能屬對為韻工於詩通舉子業學於進士

奚君元啟遊縣學有名御史按試之必置之優選
 成化辛卯舉南畿鄉薦為易魁戊戌成進士觀政
 吏部授永平樂亭知縣方視事適歲大歉原用
 上疏乞減賦役十六七民恃以不徙王師征建州
 道永平原用承部使檄總山海諸關驛車馬芻食
 事先令集縣故僻境部使罕至治率用苟簡原用
 舉廢治闕勤不愛力每佐貳出納必親衡量吏所
 具案牘必親校勘閱越二年凡地里邇遠民貧富
 強弱法令便不費不足則繼以家橐未嘗苟取人
 當歲所得常廩費不足則繼以家橐未嘗苟取人
 信其廉郡使至縣吏有餽贈原用出入無禁致通餽
 謗之不為動縣治後舊有門吏出入無禁致通餽
 遺原用塞之會疾作不便者諷以陰陽拘忌之說
 不聽則傳以他語原用曰故令若某皆死於是
 不以塞此門故也且人孰無疾病即死命也門何
 預焉卒不聽疾再作再問治益力最後大作乃卒
 壬寅正月二日也原用和厚不忤物外斂圭角理
 辨內達遇事乃見始為縣或謂其處富室宜不習

元和唯亭志

卷十

冢墓

四

吏事原用乃奮志倍力欲自觀其能不幸而死其
 志亦可哀也原用始娶禮部侍郎公宗華女早卒
 前武功伯徐公以女繼室是為今配原用年四十
 有一女四人長適劉烝次適戴恩卒之日徐不能
 歸玉汝乃以書屬知永平府姜君璉治後事昇喪
 西上徐館南郭逆旅一月遺腹得男名之日燾徐
 頗自慰忽罹厄徐僅以子免原用之幼女死焉
 玉汝痛不置乃置徐於官邸遣其僕拾餘燻治任
 買舟然後歸凡玉汝為原用謀甚悉君子謂原用
 交得其人原用先世葬長洲依仁鄉王巷原用今
 歸葬以成化癸卯十二月庚申日從卜吉也銘曰
 位不必卿相稱則賢壽不必耄期名則傳為名進
 士為賢令尹吁嗟
 乎蔣君其死不泯

處士蔣杲墓在依仁鄉王巷

歸有光銘

江西右布政使顧夢圭墓在唯亭山橫涇港乎字圩

子莒州知州懋宏贈翰林院侍讀允默祔

鄉貢蔣煥墓在王巷

泰安州通判蔣垕墓在戴墟浦

節母曹綬妻蘇氏墓在戴墟妍字圩

歸有光

誌曹節婦碑陰

長洲蘇寶之姑始年十八嫁曹君綬二十七夫亡
寡居四十九年以嘉靖庚子卒春秋七十五子
女寶以甲寅十二月二十四日葬於長洲縣戴墟
妍字圩之原予為題其墓曰曹綬妻蘇氏貞節之
墓寶又請書其碑陰曰吾姑未死前三年吾臥病
姑來視病寶見姑老矣因語及平生歔歔曰男子
壯年何憂疾苦吾今老且死汝不可不為吾計吾
死慎勿葬吾曹氏墓曹氏墓迫隘自夫死後其宗

元和唯亭志

卷十

冢墓

五

姓率火瘞散漫荒莽間遙遙五十年不復知夫處
矣苟廁諸纍纍間殆與誰比去此一里所有界浦
其水清潔死必燔我颺灰浦中令吾骨與此水同
其清也寶是以營茲新兆蓋今十有二年而克成
噫可悲也已詩云穀則異室死則同穴傳曰合葬
非古也自周公以來未之有改也衛人之祔也離
之魯人之祔也合之孔子生而叔梁紇死葬於防
山及孔子母死殯於五父之衢鄆人曼父之母誨
孔子父墓然後往合葬焉夫孔子之慎於葬母也
如此使無曼父之母必不敢於防山之慎從古禮其
可也蘇氏蓋得之矣自古女子不幸失其所天能
守禮義不見侵犯見於史傳者不少然必待備述
其平日閨闔之素而後其節始著若寶之稱其姑
一言而已要之與古易簣結纓何以異哉嗟夫五
十年高風勁節可以想見千載之下當知其
其人其骨與此水同其清也因表著之

兵部尚書贈太保顧其志墓在宋巷

祔封公醉竹先生兆

浙江參政蔣夢龍墓在吳巷

鄉貢蔣國器墓在依仁鄉查巷

貽贈會稽知縣王琫暨配毛氏墓在王祥浜瞻字圩

皇甫沔

毛碩人墓誌銘

王君叔氏喪其配毛碩人日月有期召其孫寵曰
汝能記大母闔範否吾口授汝其手次之寵泣曰
唯唯狀成乞銘於司勳氏嗟夫昔靈運著述德之
篇令伯抗陳情之疏孫亦奚讓耶按狀叔氏名琫
字循武號夢耕太原人也始祖昭素先以隱逸徵
又三世棠又三世大有並以進士顯後徙葑門丹
霞里遂為吳人更徙唯亭父鎔號守耕生子男四
人琫次居三娶毛氏父名巽母歸氏毛公無子僅
生一女幼而慧淑父母愛之甚七歲失怙悲哀辟
踊若成人然里中聞而異之王公求為叔氏昏歸

元和唯亭志

卷十

冢墓

六

夫人弗許曰予瑩瑩寡居獨此弱息朝夕相倚冀
長將壻而予之蹇修且謝去守耕公堅欲聘之乃
遣叔氏往授室館於毛氏所遺悉召其族人均析
始來嬪凡毛氏所遺悉召其族人均析之內則詢
私殆女中謝徽也既嬪於王事舅姑仿內則詢
燠於晨夕羞旨甘於度閣潔蘋蘩於廟享腆饌饋
於賓筵勤臬紕於女紅執新婦之禮得相夫之道
處諸姑伯姊雍雍如也亡何舅卒居喪協禮終姑
養母少懈恒情以為難叔氏以賦役趨公家政罔
內外悉關碩人綜理紀綱聽命惟恪無復內顧憂
迪諸子孝弟力田訢訢怡怡有萬石家風碩人陰
教為多昔蒙山隱操持於迢妻鹿門德休將之淑
媛賢哉毛氏似之矣隆慶改元三載碩人年已耄
首夏忽寢瘵即召諸子至語以木事諸子諱不
言正色曰人生如寄寄者固歸世豈有生而不死
者乎吾既考終尚奚諱焉彌留之日猶以勤之一
字詔其子孫可謂生順死安矣是為已巳閏六月
初三日也距生宏治己酉十二月十八日享年八

十有一子三長學次厚次孚女一贅歸仰孫十長
卽龍邑學弟子員承謨亦遊邑學承績承緒承勳
承誥承綸承約承經承緯孫女四曾孫男七曾孫
女六子孫振振王氏其昌遯佩刀之徵攷列戟之
祥適追洪業克紹青箱是在寵矣夢耕卜來歲庚
午十二月二十七行叢辰家皆曰吉乃奉靈
輜葬於羊墩祖塋之次余誌而系之銘曰古昔
隆家自闔始太原之昌繫毛氏幼以孝聞晚敦義
擬跡衛女魯姑姊迪爾子孫惟勤字昭哉昶誠
奚啻是羊墩之阡安幽里發潛闡懿風厥世

處士顧倬墓在吳宮鄉景字圩子庠生應麒應驥祔

馮時可

處士顧小山先生暨配張碩人合葬墓誌銘

顧伯子應麒習余也甚暱其人胸臆朗淨無塵垢
每談事振詞氣若鏗華鐘然至及兩尊人未嘗不
涕泗交頤口若噤舌若卷也一日手狀詣余曰先
君棄二孤終一星既餘矣往以家落也不能墓比

元和唯亭志

卷十

冢墓

七

二孤日拮据稍有儲矣又以歲月凶不敢墓今幸
歲吉辰良夏屋封且就矣而不得長者爲銘使潛
德弗曜二孤其何以自立於天壤余哀其志敬爲
敘次之如左按公諱倬字君榮別號小山其先始
自丞相雍從子容居姑胥子孫因家焉歷累朝迄
明代有聞人成化間允齋公昇始徙唯亭之顧巷
生東山公雲有二子先生爲伯仲曰爵初東山公
以貲雄里值歲饑民走死無弔竊嘆曰此嗷嗷者
溝壑矣而應官輸乎盡出橐中金八百緡代輸焉
從是業日削卒以貧累得疾比革謂其配王碩人
曰吾生阨塞無能爲燕翼謀獨上世所遺一坏地
吾家之根苑源泉也幸勿以甌脫視爲豪右資必
營我夜臺於是時先生年甫舞勺耳而哀毀若成
人水漿不入口者三日每哭輒絕廬無乾土母王
碩人百計勉曰兒雞骨不支何以終大事乃強食
膾粥良久始食蔬終三年喪酒食伎燕之樂不與
焉久之歎曰不腆先人之資垂垂盡矣而我兄弟
猶滯迹潢汙弗庸於世其何能淑夫學成而不及

親譬衣繡於夜學不成而產拆譬播種於石乃棄
書就農親襪革管履盡四支之敏無厭怠也
母一日張碩然曰兒年詎奉雉哉而愆期執雁傷哉
貧也聘張碩人既歸母始喜碩人必柔之姑或盛怒見
循矩事姑惟謹有婦如此豈煩老人咄嗟也先生
碩人必改容曰有婦如此豈煩老人咄嗟也先生
篤於同氣又得碩人為之左右婚弟嫁妹竭心罄
力姑拱手受成而已仲爵為仇孽吏持之急仲亡
捕者譁於堂母惶怖欲死先生跪曰有兒在其何
虞遂詣邑代對處圓土楚毒備至人多晒其愚先
生曰人生等死耳死而弟親自可知也笑入地即妻
子奚足念哉仲竟免而母喜可知也曰孟非獨生
仲也實惟生我然業自此益落而公勉力滄瀨令
母忘貧豪者入術家言指前所稱一坏地為吉壤
乘公急以百金請公曰即不肖蟬腹先人之命其
敢委之草莽乎與仲急治窀穸不復暇已家
益貧碩人謂先生曰而株守於茲倘天幸之不邀
其何以供親遂移城邑治織室日事機杼又遭絲

元和唯亭志

卷十

冢墓

八

直昂縑素成不輒售復謝去往來田邑間公雖屈
於農桑乎而度量深博不齷齪屑也與人策事
靡不中款有冤者必為計慮相信如望表居恒拾
平剖疑決謀丐益必叩其廬聖遺瀋也伯子隸
殘簡付之祝融曰一字一心神遺瀋也伯子隸
庠校文譽藹鬱喜白母曰兒不肖傾先人所遺以
為母戮桑榆之復藉此家駒已碩人沒姑念碩人
不已曰新婦逝吾失一臂矣鬱鬱傷神未幾亦殞
先生益哀毀每以母柏舟苦節未耀於天下為抱
終身戚也翁為無人無畛域無機關凡所謂脂韋翁
訛及變詐牢籠皆恥不為終身與人所無冷暖異
同薄厚疎密也當緩急不為自解當施報不以
貧自窘而至於諂道佞佛飾象焚壇不一舉曰吾
不能近遠而遠近不能虛實也夫古稱曰求
福不回貴自求耳苟求多於所受之外則回也吾
不能直躬以全天敢回行以瀆天哉壬午伯子為
壽諸孫繞膝所邀天之長秀穎先生撫而喜曰是
兒生歲與吾同邀天之靈見其抱子吾即沒目瞑

矣言訖淚下曰吾聞孝至者惡勝其前人吾父年不逮德吾母德不逮顯而吾恬然欲見子之顯孫之成也吾過哉乙酉先生遭疾入膏肓伯仲謁史謁醫先生曰無爲也吾得從兩尊人地下幸矣者以先生終身慕爲大孝也先生生於正德癸酉卒於萬曆乙酉碩人生嘉靖乙酉卒嘉靖癸亥應麒等將以萬曆辛丑十二月初九日奉先生魄啟碩人藏合葬於吳宮鄉而命余爲銘曰耕也匪熟織也匪績天豐爾德胡嗇爾祿孝友爲政相者則淑衣韜於裏車強於軸萊婦鴻妻風飈並肅惕閭充後福梗梓未收芝蘭方郁沙浪之墟波朝雲族牛眠何徵三世來復馬鬣臯如龍章曄昱

封會稽知縣王孚墓在羊墩瞻字圩

大同府同知江陰葛天民墓在習義鄉西二十二都

元和唯亭志

卷十

冢墓

九

四畮下雉瀆

浙江會稽縣知縣王承寵墓在羊墩瞻字圩

詹事府詹事姚文毅公希孟墓在下雉瀆西金涇

堰北

義士朱質墓在下塘廟堂涇牛尾漣

朱氏雙節墓在龍墩朱文輝女長曰秀芳適劉乾次

曰秀蘭適諸生徐雲程並青年蚤寡生同居死同

葬

候選訓導王康中墓在王圩獲字圩孫歲貢金音祔

節婦王伊訓妻謝氏墓在小馬田難字圩

處士沈邦賢墓在唯亭山橫涇橋乎字圩子大成大

中祔

諸生邱士彬妻貞節倪氏墓在唯亭山哉字圩

文震孟

誌容臺邱公繼配倪孺人貞節碑記

倪孺人真義小林公女也年十九長洲庠生邱士彬號容臺委禽為繼室逾二載而生子熾僅九月容臺死守節五十年孺人以嘉靖三十二年九月十六日生以天啟三年十一月十一日卒春秋七十有一卒之月十九日合葬於夷林哉字圩容臺之兆迨馬鬣既封子熾率其孫堪曾孫鍾英捧狀詣余泣曰先慈之節熾自恨才劣家貧旌典無望矣重傷及今無表識他日世數遼遠一坏蕪沒不遂泯泯乎若得文士一言鐫之隧道即泉壤永被豈小子余肅然避席曰孺人之節口碑已

元和唯亭志

卷十

冢墓

十

足不朽余惡乎言雖然節苦矣苦而能甘節勁矣勁而彌幽節久矣久而若暫此又彤管不恒記載少雙者余惡乎無言按容臺之歿也孺人憑棺哀慟內外無依獨與呱呱孤相倚為命一脈之不能存危如綫矣况丁彼家難庶孤燈之下萬千慘狀真有痛於心未繪於口者惟天為之鑒神為之真耳而孺人安之曾無怨尤聲何賢聖之所難而女婦反易之故也余故曰其節苦而能甘且芳華甫茂即稱未亡人嚶嚶趨趨處易為關情而孺人貫日之誠堅於弗卷冰斃之操矢於靡他論者比之古烈女而余謂更有進焉蓋古來毀容削髮斷臂截耳者凜烈之氣誠汗青輝映然根於天性或成於名心若孺人之名心盡釋不欲以奇行驚世此豪傑之所難而笄幃能忘之余故曰其節勁而彌幽而匪獨此也凡少而嫠居老而同穴者弔影憂思則夏之日冬之夜較之恒人必倍永而孺人又不然嘗曰吾得宵旦拮据以綿此衰緒使亡

者如生撫其孤而生者如面授其父吾事畢矣不知其他味此遺言彼五十年來曾不作存歿想又烏知何時為綠鬢何時為皓首哉余故曰其節久而若暫節而至是尚旌於朝奈何沈於野宜子熾之血淚而請也抑聞邱氏幽貞代抗推而上之倪孺人之伯姆則有徐孺人又推而上之徐孺人之太姑則有錢孺人宏嘉隆萬間並為人瑞而概為湮滅悲夫然含馨穢俗者無微不顯靡幽不呈今其後裔以讀書世業則綸音固可徐俟也余故不辭不斐敬詮次實錄以志孤標於片石

副使歸大道祖墓在半十九都東誅字圩

杜庠銘

南光祿寺少卿王士龍墓在金巷愚字圩

國朝

贈寶慶知府崇祀鄉賢顧所載墓在吳宮鄉景字圩

元和唯亭志

卷十

冢墓

十一

方拱乾

顧岳宗暨配魯孺人墓志銘

歲丙子予長兒孝標仲兒亨咸與比部顧子松交同舉於鄉丁亥仲兒同舉南宮同為令畿北同調越以七年卓異令人為比部以是予得交顧子諳其生平及家世殊悉知顧子之隲於陰德者厚稟於家教者遠也蓋顧之以族著於吳與朱張陸稱四大姓其表於閭閻者凡數十葉矣自允齋公而下代有陰德及蘭臺公以博學名五試棘闈士林稱祭酒是為贈君父也贈君諱所載字恒甫別號岳宗生而具異質襁褓中即與常兒殊五六歲時已知成人禮事堂上雞鳴問寢合於古則以至昆季儕偶分梨棗講說詩書居然童子中一大儒者家政繁劇年十二即為父兄代勞勤人莫不以年少少之公則條悉安詳老成人謝不如門內外僉曰是子異日可宰天下矣甫冠值蘭臺公襄先人大事公與肩其擔竭力以淮陰冢旁可置萬家為祝親一時長老報紉者以淮陰冢旁可置萬家為祝

蘭臺公用以告無憾於通化者公所以成其孝也讀
書肆力於古昔凡經史通鑑諸書皆丹櫛鉛比手
錄蠅頭字編幾三絕每執卷嘆曰丈夫功名無足
重要此以博堂上歡及蘭臺公捐館舍公欲棄經
生業已而思母夫人尚在堂復俛首補博士弟子
孚沈場屋不得志所業益精而母夫人又卽世公
毀瘠不欲生日天乎讀書不能榮所生卽三公奚
貴乎乃築廬塋側朝夕薦醑漿如孺子泣凡二十
餘年如一日也其視兄弟子姪上藹然可風有叔
兒無常父每晨夕合尊一堂之上藹然可風有叔
無後公曰我卽叔子有姑無家公曰我卽姑所特
以養生而送死者公家雖不貧亦僅堪俱祭祀乃
生平施與隨意到與俱盡率不問囊橐旱澇之歲
輒傾筭解拯飢者食之死者殮之老羸不起者就
而給之馮煖之券不知焚幾何直矣一時待以舉
火者如蟻緣水流公應之無倦容無德色洵所稱
長者行哉公攻苦不成名孝友不矜譽博施不市
德若天之爲公嗇乎然政所以裕公矣惟其蓄之

元和唯亭志

卷十

冢墓

十一

是以昌之子於知比部者而益知公之所以遺厥
後也魯太孺人爲勲衛柱石公季女魯旣望族柱
石公以文名直聲著於鄉太孺人稟身教良備年
十七歸贈君贈君固亢爽男子家人生產多不屑
問太孺人盡出其百兩裝涓瀧以佐堂上養竭
膏火以佐贈君讀贈君性純孝惟恐弗獲堂上歡
太孺人每進七箸必從隙中潛窺茹之甘則欣然
退或稍有未愜必改圖以進以是姑章非太孺人
手所進食不獲一食皆嘖嘖稱曰孝婦孝婦自贈君爲
名諸生不獲一第益佗僚自放急人難衷益熱凡
所捐皆取諸宮中太孺人艱辛拮据以供之惟恐
拂贈君意以損其義太孺人既冗瑣連舉諸子以
勞累母氏者不一端太孺人育之每爲諸子無卽匪
彝贈君齋志沒太孺人心痛之每爲諸子無卽匪
部雋而喜可知也乃進比部而含涕命之曰爾先
世不乏顯名近益落爾父以是邑爾今日獲此
承先啟後有厚責焉勿以溫飽自安以是比部一
令於甯晉再令於山陰所至皆有聲山陰巖邑亂

復經年殺人於市比比部下車解刃劍以牛犢而山
陰治人曰比比部廉比比部曰吾母慈慈吾廉也人曰比
部慈比比部曰吾母慈吾以母慈慈吾民也人曰
比比部才比比部曰吾母治家井井教吾以治邑也七
年上考僅得量移以雲曹兩袖蕭然幾不能治北
上裝太孺人解簪珥質膳田以為比比部趣駕比比部
每向人言幾咽不能聲可以知是母矣於戲贈君
不得於身而得於子太孺人以相夫而不得於夫
者教其子以慰其夫亦可稱令善有聞德大嗣昌
者矣先是贈君葬於吳宮鄉祖塋之傍另卜兆焉
孺人以順治甲午十二月廿六日啟兆而祔葬焉
迺為之銘銘曰玉峯之麓實兆偉人珪璋抱璞麟
鳳儀型哲媛媿德含章可貞克昌厥後維王國
楨 帝曰嘉錫榮逮所生翠峩雙表萬禩流馨

前監察御史李模墓在龍墩

隱逸顧恒墓在下雉瀆寶字圩

元和唯亭志

卷十

冢墓

十三

諸生顧予臨墓在吳宮鄉維字圩

大學士吏部尚書加太傅宋文恪公德宜墓在金沙

湖北蕭涇橋東

賜葬

梁清
標銘

李

汾

仲秋偕同人遊宋墓登寒木樓卽景限
韻得時字

登樓恰遇桂香時結伴凭欄動遠思三里沙隄波
浪濶百年古墓夕陽遲寒塘夜月吹漁笛野店輕
風颺酒旗日墓歸舟興
未減各成四韻鬪新詞

茂才顧其蘊墓在西廿二都蔣家莊競字圩

旌表雙節諸生王時亨妻張氏附監生王用俊妻張

氏墓在金巷愚字圩

廬陵知縣陸在新墓在習義鄉北若字圩

彭定求銘

諸生顧兆先墓在東廿二都吳家浜北若字圩

考授州同贈東安知縣顧昉張墓在西廿二都戴非

字圩

旌表節婦歸文達妻陳氏墓在沙湖東誅字圩

錢謙益銘

王原祁 題贈歸節母

鍾郝留遺範瓊閨節更難月沈驚別鶴雲斷泣孤
鸞蘭蕙同貞潔松筠耐燠寒承家有才子丹詔鳳
銜看女宗今不再何處問重泉山上蘼蕪草琴中
黃鵠篇有珠昏赤水無玉不藍田他日編彤管應

元和唯亭志

卷十

冢墓

十四

同月旦評

稽曾筠

蒼松鬣鬣凌霜雪修竹蕭蕭標勁節中有茅堂清
且幽吳江阿母殊貞潔早歲便稱未亡人矢志茹
荼與飲蘖課兒作母兼作師畫荻丸熊心力竭令
子蔚然成大儒名山韞玉水藏珠才高未獻長楊
賦篋底曾懷封禪書自言腰下懸金紫不若花間
奉板輿母賢子孝後必昌藍田嘉種生璠璣弱冠
聲名噪藝苑孝廉一舉上公車鵬向九霄搏健翮
駿從千里騁雲衢春風上苑看花日記取松筠教
子圖

任士理

繞庭松竹倚長空傲雪凌霜人物同禦難保孤荆
棘裏裁逢伴讀晦明中婆娑鵠影婆娑月斷續機

聲斷續風坤德已旌昭
國史千秋憑吊永無窮

葉棠

飲蘖丸熊矢柏舟閨門儀範足千秋
一身嬰白肩非易奕葉箕裘慮更周
直使黃泉無賸恨豈圖青汗有新
褒松梢竹罅娟娟月還是當初淚影留

汪士鋐

節比柏舟篇松筠有舊編
文詞俱典麗詩筆並鮮妍
顧我秋蛇字憐君鶴髮年
披圖憶教子不獨孟三遷

朱彝尊

崔韋母德史曾傳又見長洲苦節賢
花發木棉聽夜績至今猶說未亡年

元和唯亭志

卷十

冢墓

十五

綽楔高門俎豆祠松杉百尺蔭堦墀
元和遺事留家乘好羨文孫又一枝

旌表孝子州同夏珍暨繼配姚節婦墓在斜塘羣字

圩

二王孝子墓在中十九都謂字圩一為老王孝子峒

一為小王孝子家瓚也

汪份

文學貞孝王先生墓志銘

歲辛巳貞孝王先生卒葬有期矣嗣君緘齋持先
人行述載拜而泣丐余一言鐫之石余愧非其人
也感緘齋之仁孝敢以不文辭按狀先生王姓諱
逢吉字汝從號石林其先系出瑯琊吳自崑山
州學正古川公始厥後代有文人曾祖橘泉公嘉
靖乙丑進士詰贈中大夫祖霖蒼公南光祿寺少

卿誥授中大夫前朝列大夫父仲美公長庠生早
卒先生纔六齡耳擗踊若成人未幾季父叔逸公
王父光祿公相繼卽世家益中落機杼軋軋與
唔相問淒風苦雨往往淚漬枕席未嘗使母知也
年未弱冠爲長庠名諸生發爲文章根據今古出
入經史百家名儒咸器重之懷宗未寇氛四起先
生負母出奔旋避難面破足折卒無恙也隣失火先
生負母出奔旋避難面破足折卒無恙也隣失火先
迨桑大兵南下海字昇平先生曰昔陶處士歸臥
柴桑自號五柳先生王無功結廬河渚琴酒寄情
自號東臯子身將隱矣焉用文爲姑營我蓴莊奉
母終老賦詩見志由是賣藥娛親愉色養母老
病足就養無方或奉母看花嬉戲作嬰兒狀怡怡
如也母歿哀毀盡禮茹素三年負土成墳孺慕至
老不衰從弟茂林早世植節撫孤尤善成親志云
生平剛介自守不苟言笑御下以恕教子孫以義
方未易更僕數也先生生於萬曆庚申七月二十
日卒於康熙辛巳三月初八日享年八十有二配

元和唯亭志

卷十

冢墓

十六

孫孺人先卒子三人家瓚家琛家琦女二一適馬
維藩一適吳廷芬孫男三灌溥文洽孫女三辛巳
冬十有一月二十有六日合葬於長州縣唯亭山
下謂字圩青墩新阡癸山丁向長洲汪份爲之銘
銘曰瑯琊世胄兮分水流長來自荻扁兮卜宅蓴
莊運丁百六兮世歷滄桑負母踰垣兮寇不能傷
入火不爇兮誠格穹蒼懷瑾握瑜兮蠖屈蟄藏樂
天知命兮慰彼北堂涉靈蘭之秘典兮橘井流香
行則古昔兮義聲琅琅刑于賢媛兮蕙芷蘭芳節
孝相仍兮扶植倫常青墩之阡兮鬱鬱其陽體魄
宅定兮則篤其慶君子有穀兮卜
世其昌表厥幽潛兮視我銘章

張映葵

緘齋王先生墓表

先生名家瓚字端臣號緘齋其先分水人遷唯亭
八世矣代有陰德先生性沈默寡言笑博學工詩
文承父志不屑屑科舉業惟整躬飭紀是務父遺
薄產悉讓兩弟精岐黃術以利濟爲懷連遭大疫

活人千計不責報惟取薄償以供堂上甘旨嘗昏
夜走唯亭山麓歸省二人誤趨湖北有盜躡其後
先生一躍過之乃免又渡湖遭暴風舟覆同行皆
溺鄰舟忽聞空中云亟渡小王孝子去竟無恙兩
弟沒撫孤植節至性尤篤每慨族屬之凋零以輯
修支譜爲己責博稽詳訪苦心歷數十年三易稿
而始定時與吾儕二三知己吟詩論道終日不厭
淑配周孺人必汲水剪蔬作舖糜以供客飽他若
交友信與人忠聞善若渴久要不忘憂人憂樂人
樂死生患難不以易其中粥粥恂恂鄉邦皆稱願
然曰此真不愧貞孝先生子矣晚年德益修學益
進所著有雲樵詩稿子漼溥文洽並有雋才先生
以康熙庚寅五月十六日卒春秋六十有六卒之
先一夕其友人請曰倘有不諱爲子壙志者將誰
屬先生默不應嗚呼余觀古人砥行立節每惓惓
於身後必託名卿大夫海內文章之望以傳先生
獨恥浮譽以石隱終罕與貴人接意殊不在於
孝友如先生當必有故家遺老紀其姓名軼事於

元和唯亭志

卷十

冢墓

十七

稗官野乘中者吾俟之而未敢安退復自念辱在
知交稔先生之素履者莫如余之久且悉敢任其
煙銷蠹蝕不一闡發其幽潛也哉謹敘次其行畧
書而納諸壙且爲表其墓曰嗚呼此故處士潛德
先生王君之墓亦
先生之志也夫

考授州同顧思敬墓在超網港布字圩子監生焯仁

祔

廣西按察司知事顧延墓在西廿二都相盆蕩

旌表孝子管增墓在西廿二都王非字圩

贈資政大夫職監汪文璋暨配 旌表節孝貝氏墓

在唯亭山助字圩

旌表節孝顧承家妻張氏墓在唯亭

旌表節孝監生顧珏妻褚氏墓在蔣家莊兢字圩

監生蔣元泰墓在東廿二都命字圩子諸生汝應祔

孝子張正國墓在半十九都崇巷

孝子吳星曙墓在中十九都永字圩

鄉飲大賓王珩墓在東濮巷言字圩

徐曰
璉誌

贈惠州知府顧肇培墓在超網港布字圩祖塋傍弟

肇基暨配旌表節孝鄭氏候選縣丞開成祔

施承模

表兄顧澹亭暨配朱孺人施孺人墓志
銘

元和唯亭志

卷十

冢墓

十八

先外祖深省公兄弟同居幼時過從見外伯祖聖
向公偉然特立氣宇軒昂望而知為有道長者聖
向公三子伯子人長公雙眸炯炯吐辭宏亮肩隨
四子皆英俊俊爽澹亭表兄其三也諱成字定業
一字定園嗣叔父愷宣公後少即嗜學舉止謹敕
有老成風度稍長問字於沈孝廉禹驥為文力追
先正下筆思深輒有大過人者沈先生嘗第其文
品在思曠宜壑間性恬淡視功名猶敝屣謂讀書
所以養性情敦倫紀豈必紆青拖紫以自詡稽古
之榮哉中年即杜門却掃端居一室吮墨研朱怡
然自得生平尤謹言慎交游嘗訓子弟曰人易其
言則心放而無所攝其流必至踰閑蕩檢而後已
習與不正人居不能毋不正誘之聲色貨財自非
中材以上鮮有不為所動者蓋其自律也嚴而待
人則甚恕非有大過雖奴婢不輕叱咤故人又推
公雅度云事嗣祖母張太君本生兩高堂皆能先
意承志執喪盡禮有古孝子風園中樹木葱鬱或
勸以刪剔繁雜愀然曰此吾曾大父空五公手植

吾不忍以斧斤相尋也友愛同堂推肥守瘠兩兄皆早世撫孤姪如子教誨以俟其成立夫澹亭學道足以愛人孝友足施於有政先是貢成均例得需次縣佐乃不赴選人因先人舊圃藝蘭種菊著書南牕以終其天年自非有得於中而遺於外者能之乎元配朱孺人家世厚豐裝遣甚盛慕少君孟光之事盡棄美飾親操井臼初人長公析箸授田昆季相讓澹亭守產僅供饘粥孺人操持拮据稱康裕焉年三十三而卒繼配施孺人卽余之女弟也素嫻閫則亦克相夫子痛不逮事舅姑歲時祭祀必躬必親雖病臥牀褥猶强起潔筐筥親拜奠故中外稱孝婦無間言享年二十有五聖向公墓在元邑布字圩人長公祔葬於瑩右澹亭謂父子不忍遠離兄弟同穴庶生死得共瞻依因於瑩旁連鑿三壙中伯兄元植公暨長嫂朱孺人昭穴叔兄丕受公暨次嫂鄭孺人穆穴先葬朱孺人將封幽宮以自待乾隆十九年九月子鎰玉銘鑄將奉澹亭公暨施孺人柩啟兆而祔葬焉來請銘於

元和唯亭志

卷十

冢墓

十九

余因志其生平之大畧而爲之銘銘曰孝友型家兄弟同穴三世相依有懷不隔鬱鬱佳城盈盈地脉垂裕後昆紹衣先哲

處士沈文元墓在三家村知字圩子國學生其勳祔

翰林院侍讀學士褚廷璋墓在至和塘蕭涇內

旌表雙節例貤贈知縣監生沈騰龍配趙氏例貤贈

知縣監生沈見隆繼配王氏墓在三家村知字圩

贈教諭王用賓墓在方巷徊字圩

旌表節婦吳元霖妻周氏墓在永字圩

旌表節婦王琛妻曹氏墓在邛家浜行字圩

例贈縣丞監生沈世顯墓在三家村知字圩祖塋傍

處士衛文焯墓在水東村洪字圩進士王子庠生邦

彦孫監生逢辰祔

旌表節婦吳維銛繼配許氏墓在永字圩

議敘州吏目王永和墓在王墩息字圩

例贈山陽知縣庠生沈世華墓在唯亭山哉字圩子

庠生泰候補縣佐長豐祔

贈府經歷王仁墓在戚家涇也字圩

處士朱桂棟墓在三家村子監生丕顯暨配 旌表

元和唯亭志 卷十 冢墓 二十

節孝張氏長庠生丕成祔

朱丕成 三家村祭先塋

檐前乾鵲報新晴早趁東風撥棹行麥飯一盂遵
廣陌桃花兩岸近清明父兄早背應關命松檜成

陰亦有情佇待他年豚
犬長免教子立黯魂驚

節母沈長庚配蘇氏墓在王祥浜瞻字圩子府庠生

宗蕃祔

全椒縣教諭王潤墓在方巷 祔贈君觀
光先生兆

國學生沈長齡墓在唯亭山助字圩子元庠生寅國

子生宗朝祔

候補州同知朱桂齡墓在王祥浜子諸生脩之錫之

輔之祔

贈奉直大夫監生王守昌墓在趙蒲潭阮字圩

高翔麟

西疇王公墓表

公諱守昌字憲珍號西疇姓王氏系出太原始祖昭素公宋時以隱逸徵後相繼成進士家葑溪丹霞里至仲綱公徙居唯亭遂為唯亭始祖焉曾祖琛祖繩武並國學生父永和議敘州佐皆以積學砥行聞於鄉公輒代庀其事同居四十載無間言生中歲多疾於鄉公輒代庀其事同居四十載無間言生平敦氣誼重然諾為人謀不避嫌怨族黨中有貧乏者贍恤之無德色其待以舉火者甚眾遇歉歲則首倡蠲以惠桑梓然不屑舉樂善名教其子必延誠篤之師以讀書敦行為務至午夜猶親自課讀焉居家自奉務節儉屏浮靡而祭祀燕饗則豐約適宜嘉慶六年卜宅於城中葑溪天賜里方遷之日語仲兄曰昔張公藝九世同居今以故居隘遂迢隔鄉城不獲朝夕見非得已也公泣仲兄亦泣故雖居郡城猶數往唯亭故里蓋公之友恭出於至性如此公生於乾隆二十五年六月十九日卒於嘉慶七年七月初五日年四十有三奉直大夫配朱氏封宜人子二有經衡工例候選布政使司經歷加二級娶李氏有綸殤女五孫五嘉慶二十一年七月二十九日申時葬于唯亭阮字圩之新阡其孤子有經郵書乞文於余與公為中表昆弟於公行誼最悉謹據狀為表系以銘銘曰惟此哲人邁追來孝兄弟孔懷令德來教自昔何為德音是茂式穀似之克昌厥後令終有俶以似以續振振兮繩繩兮君子有穀勿替引之以綏後祿

元庠生例封知縣沈吉墓在依仁鄉楊家田亡字圩

元和唯亭志

卷十

冢墓

二十一

子宗亢孝廉揀選知縣宗城宗經暨配憲獎節孝

王氏元庠廩膳生禮祔

沈氏雙節墓在莊浜矢字圩一為沈長卿配方氏一

為長卿子宗衡配朱氏

附貢生衛逢慶墓在項田村亡字圩子國學生庭潞

暨配 旌表節孝朱氏祔

候選縣丞沈長奕墓在項田村遼字圩

陝西山陽縣知縣沈巽墓在唯亭山哉字圩

廣西司員外郎分發山東候補道汪士忠墓在半十

元和唯亭志

卷十

冢墓

二十二

九都金巷

茂才朱錫穀墓在中十九都青墩

贈奉直大夫候選府經歷王有慶墓在崇巷孤字圩

金鳳沼

雲士王君暨配張宜人合葬墓志銘

君姓王諱有慶字譽敦號雲士又號吟香其先系	出太原宋時昭素先生以隱逸徵再傳大有先生	登乾道八年進士始居吳之葑門又七世徙居唯	亭曾祖諱繩武國學生曾祖妣郭祖諱永和議敘	縣佐祖妣高考諱仁國學生妣贈奉直大夫妣	沈 妣封太宜人君生而穎異及就傅堂上督課	嚴不以獨子姑息下帷勤奮學日進贈君靜軒先	生病療卒君年二十一方患疴毀瘠逾常不以病	節哀自是畫庀家事晨昏侍萱闈而遂絕意進取	矣甲子吳郡水於唯亭鎮倡始平糶汪稼門中丞
---------------------	---------------------	---------------------	---------------------	--------------------	---------------------	---------------------	---------------------	---------------------	---------------------

以門額旌其義曰澤被維桑是年移居郡城錢衙
 里與同祖弟半亭卜居密邇篤友誼也君時年逾
 三旬生子三殤其二沈太宜人有門祚憂命置筵
 癸未葺唯亭霖雨橋久壞涉君倡捐興築竝
 葺鎮前後橋梁是年歲侵甚明年業未復君
 又捐資糴豆米雜糧邀同人親為散戊子為母
 稱八十觴量減各佃額米命子孫遇吉祥事視為
 法壬辰奉內諱孺慕盡哀專心讀禮乙未捐修至
 和塘始於宋至乙未崑山主簿邱與權築亭
 度碑屢脩屢壞至是越十三甲子君舅氏大令盼
 槎沈君倡捐督工三越月而成重築亭於霖雨橋
 顏以乙未舊名陳芝楣護院為作記戊戌創建義
 莊置千畝贍族以承靜軒先生遺志越二年落成
 又二年禮器爨具奉主入祠發給規條參之郡
 中諸莊一臻妥善己亥春蠶歉收振手民失業者
 偕同人籌善願推廣於機工外歲為常今郡中補
 不足會自此始也壬寅春海疆有風鶴驚唯亭抱
 布岷以滯消失業君如值收之事平賈贏以其贏

元和唯亭志

卷十

冢墓

濟貧人服其運用之妙焉君讀書得大義既棄去
 帖括仍曰手一編皆經史有用書生平承先啓後
 兼備孝慈營沈太宜人之葬觸熱山中咯血盈盞
 而負土無倦容又嘗奉少耕草堂圖藏於祠蓋明
 嘉隆時十二世祖少耕先生隱居唯亭於堂中張
 文謙一時停雲文氏羣季暨張伯起胡乾嘉王祿
 之袁魯望錢叔寶諸名輩過從無間與繪圖而
 綴以詩也君廣徵題詠以大其傳家塾延師教讀
 致敬盡禮先後皆知名士君每於趨庭時勸以立
 行成名勿沾沾科場得失為子若孫置書籍不惜
 費自癸未辛卯癸巳諸荒政以及戊戌脩郡城已
 亥賓興局壬寅防堵癸卯脩郡學罔不爭先樂輸
 又別捐負郭田為演放鎗礮地其他義舉不一而
 足祠圃有孩兒蓮樹治氣鬱失血證君輒貯花葉
 贈人其用心可知矣居常雞唱起持家井井自奉
 極約鄉居時家不具鑪炭飯罷吹槽柎煎茶迨後
 亦不稍華靡以故施不吝而家得稍裕晚年於莊
 之後齋顏曰知足以見意其持身治家又如此生

平遇事敢爲不茹柔不吐剛料事多奇中觀人洞
見心術爲人謀必竭心力胷中所有盡情傾瀉不
少吞吐使以君之所賦舉民社而任之踰其年
設施必有大展於時者而天故抑之才踰耆年
歸道山識者惜焉然君旣施於有政卓然可表而
子繼孫繩世澤未艾則君可以無憾也君生於乾
隆四月十六日春秋六十有三卒於道光二十有四年
五月十六日春秋六十有三卒於道光二十有四年
修職郎誥封奉直大夫例晉奉政大夫特
恩議敘加一級紀錄七次覃恩誥贈奉直大夫
配張孺人誥贈宜人候選直隸州分州菽香公
女先卒生子三希曾錫麟俱幼殤錫璋布政司理
問加二級績學能文賁志早歿有詩文集藏於家
筮唐氏誥封太宜人生子二文龍國學生詹事
府主簿欽加主事銜覃恩加一級維鏞吳庠
生女五皆適士族孫六啓豐議敘八品銜啓韶啓
齡俱錫璋出啓甲啓瑞文龍出啓秀維鏞出孫女
二予識君晚而交最深稔聞其行誼今其孤若孫

元和唯亭志

卷十

冢墓

二十四

卜以道光二十有六年八月朔奉君與張宜人
匱合葬于元邑半十九都五十六畝孤字圩崇巷
村之新阡乞銘於予予不獲辭銘曰才則豐名未
達施於鄉澤及物善人有後天理必妥君之魂此
幽室子子孫
孫永安吉

義冢

附

乾隆四十六年里中設立積善局捐建義冢四所以

瘞貧民之死而無葬者一在上二十一都十二畝

莫字圩一畝三分六厘六毫一在半十九都二十

一畝誅字圩一畝一分七毫一在中十九都十二

畝宙字圩二畝五分六厘九毫一在東二十二都

十九畝安字圩一畝三分七厘六毫

補遺

考授州同贈鹽運使司運同尤舜昭墓在唯亭山西

聞字圩

元和唯亭志

卷十

二十五